



**JUNTA DEL VALLE DE AEZKOA
AEZKOAKO BATZARRE NAGUSIA**

31671 ARIBE (Navarra) · CIF: P3175000C
Tel: 948 76 43 75
jvaezkoa@infolocal.org
valledeaezkoa@gmail.com
www.aezkoa.org

Eguneko gaiak:

BILDUTAKOAK

Batzarreburaia: Karlos Bueno Reka

Batzarrekideak: Martínez Juango, Ainhoa – Merino Iriarte, Juan Esteban – Reta Trevejo, Leire – Santomá Vicens, Gonzalo - Zabalza Barberena, Izaskun.

LEHENA.- AURREKO BILKURAREN AKTA ONESTEA

Eragozpenik agertu ez denez, onetsita gelditu da 2021eko ekainaren 7an egindako bilkuraren akta.

BIGARRENA.- ERABILERA PUBLIKO JASANGARRIA SUSTATZEKO DIRULAGUNTZEN DEIALDIA.

Jakinarazi da 2021eko uztailaren 2ko Nafarroako Aldizkari Ofizialean (154. zk.) argitaratu dela naturaguneetan erabilera publiko jasangarria sustatzeko tokiko erakundeentzako laguntzen 2021eko deialdia, Ingurumeneko zuzendari nagusiaren ekainaren 15eko 116/2021 Ebazpenaren bidez onartu zuena.

Diruz lagun daitezkeen jarduketaren aldia 2021eko urtarrilaren 1etik azaroaren 3ra artekoa da. Batzarre Nagusiaren Osoko Bilkurak erabaki du diru-laguntzarako eskabidea aurkeztea deialdira, erakunde horrek 2021ean Iratiko Oihanean–Aezkoa ibarrean egin beharreko jardueren justifikazio-memoria erantsita. Jarduketaren aurrekontuan sartzen dira langileen kontratazioengatikoko gastuak (enpresako soldatak eta gizarte-segurantza) eta funtzionamenduari lotutakoak (lan aholkularitza eta kilometrajeak soilik), eta ezin izanen da ibilgailuaren errentamendugastua aurkeztu. Adierazitako daten artean, azaroaren 3ra arte alegia, eginen diren jarduketaren aurrekontua honako hau da:

| | |
|---|--------------------|
| - Langileak kontratatzea | 42.888,00 € |
| - Jaiegunengatikoko ordainketak | 8.709,00 € |
| - Antzinasuna | 959,29 € |
| - Kontratuen kitapenak | 997,15 € |
| - Enpresako Gizarte Segurantza | <u>19.005,74 €</u> |
| Langileen kontratazioa gastuak, guztira | 72.559,18 € |

Zerbitzuaren funtzionamenduari lotutako beste gastu batzuk aurrikusi dira ere, eta 1.500,00 € egin dezaketenak.

Deialdiaren oinarrietan xedatutakoaren arabera, diru-laguntzaren gehieneko zenbatekoa 40.000,00 €koa izanen da.

HIRUGARRENA.- ERREKA MUTILEI BURUZKO ERAKUSKETAREN LAGATZEA

Amaitu dira, dagoeneko, Goicoa jaunak Olako jauregian jartzeko Batzarre Nagusiari lagatutako erreka mutilei buruzko erakusketa instalatzeko lanak. 2019an, horren ustiapen-eskubideak lagatzeagatik Goicoa jaunari bi mila eta zortziehun euroko ematea adostu zen. Hala ere, kontratua ez da sinatu eta ez da sinatuko erakusketa kokatzen bukatu eta hura osatzen duten elementuen inbentarioa berrikusi arte. Erakusketa muntatzen ari zen bitartean, bi aldeek erabaki zuten eskala handiko maketa bat jartzea, txabola tradizional baterako sarrera irudikatzen duena, jartzeko espazio egokia zegoelako eta elementu erakargarria izan zitekeelakoan. Pieza hori ez zegoen hasierako lagapenean aurikusitako gauzen artean, eta, hori dela eta, Osoko Bilkurari proposatu zaio ordainsaria aldatzea eta seiehun eta berrogei euro gehiago ematea, txabolaren maketagatik eta instalatutako osagarriengatik.

Ekitaldi honetarako aurrekontua gauzatzeko oinarrietako 8. oinarrian xedatutakoaren arabera, gastua aurrekontu-aplikazioaren esleipena baino handiagoa denean, lotura juridikoaren maila gainditzen ez bada eta lotura-poltsan kreditua baldin badago, gastuari dagokion aurrekontu-aplikazioan kontabilizatuko da, nahiz eta horrek krediturik ez izan, aurrekontu-aldaketarik egin beharrik gabe.

"Erreka-mutilei buruzko erakusketa" 33391-2279903 aurrekontu-aplikazioak 2.800,00 euroko kreditua du, eta 3.2 poltsakoa da, 90.100,00 euroko kreditu duena eta 74.325,52 euroko saldoa; beraz, egile-eskubideak lagatzeko kontratua sinatzea onartu da, eta obraren ustiapen-eskubideak lagatzeagatik gutzira jasoko den ordainsaria hiru mila laurehun eta berrogei eurokoa izanen da.

LAUGARRENA.- 2021-2022 URTEETAKO OIHAN JARDUERENTZAKO DIRULAGUNTZEN DEIALDIA ETA ITXITURAK KENTZEKO LANAK KONTRATATZEA, BIDEZKOA BADA.

1.- 2020. eta 2021. urteetarako baso-jarduketaren proiektua.

Honako lan hauek egiteke daude: Itxiturak kentzea eta Itolatzen harri-lubeta bat egitea. Irailaren bukaerarako amaituta egon beharko lukete, urrian justifikatzeko. Osoko Bilkura aurten gauzatzeko lehentasunezkoak diren kontratuak aztertzen ari da; izan ere, ez dago likidezirik gastu guztiei aurre egiteko POCTEFaren diru-laguntza kobratu arte, eta uste du ez dela itxierak biltzeko lanen kontratazioa egin behar, arazorik gabe geroratu baitaitezke hurrengo urteraino. Bestalde, Itolazko pistan harri-lubeta egitea geratzen da, eta berriro baloratu da, hasieran aurrekontuan sartutako zenbatekoa gehiegizkotzat jo baita. Aurrekontu berriak ia hogeita hiru mila euroko beherapena du hasierakoaren aldean. Harri-lubeta egiteko lanen zenbatekoa berrogeita hamabi mila seiehun eta berrogeita bat euro eta hirurogeita hamahiru zentimokoa da. Osoko Bilkurak erabaki du obraren lizitazioa iragartzea prozedura sinplifikatuaren bidez, Nafarroako lizitazio elektronikoko plataformaren bidez izapidetuta. Halaber, kontratazioa arautzen duen baldintza-plegua onartu da, eta lana proiektuan islatzen diren baldintza teknikoak jarraikiz eginen da. Lizitatzeko gonbidapena bidaliko zaie, gutxienez, horrelako obrak egiteko gaitasun profesionala dutela egiaztatua duten bost enpresari.

- Oihan Jarduketan Proiektua 2021-2022.

2021-2022 urteetarako Oihan jarduketan proiektuan Gibealeko pistaren egokitzea sartu da, eremu horretan adieraziko diren hainbat urtetako loteak ateratzeko beharrezkoa baita. Hala ere, lan horien zati bat lehenbailehen egin behar da, esleitu den eta aurten ustiatu behar den oihan-lotea erazteko, eta, beraz, Gibealeko oihan-pistako premiazko lanak kontratatzea erabaki da, kontratu publikoei buruzko apirilaren 13ko 2/2018 Foru Legearen 81. artikuluan aurreikusitako prozeduraren bidez (munta txikiko kontratueterako). Jarraian deskribatzen dira lan horiek. Esleipena egiteko, eskualdeko profesional guztiei eskaintzak aurkeztea eskatuko zaie alde zuzenetik, gonbidapenean zehaztutako epean. Epe hori ez da bidaliko diru-laguntzaren eskaera tramitatu arte, deialdia arautzen duten oinarrietan xedatutakoaren arabera.

Hauk dira kontratatutako beharrezko lanak:

- Proiektuaren 69. orrialdea – 3. eta 4. ataza linealak: Hondalanak (495,00 m) eta plataforma erreparasatzea: 1.499,85 €

- Proiektuaren 72. Orrialdea - 3. eta 4. ataza linealak: azpioinaria egitea (346,50 m), materiala eta trinkotzea: 9.930,69 €

- Proiektuaren 73. Orrialdea – (aurrekontuko 7. orrialdea) - 6. ataza puntuala – Abagunea eraikitzea: 830,88 €

Lan horien guztien zenbatekoa 14.468,48 eurokoa da, gastu orokorrak eta etekin industrialak barne, BEZik gabe.

Gibealeko pistako gainerako jarduketak 2022an egingen dira, eta laguntzen deialdira aurkeztuko diren lanak onetsi dira. Hau da aurrekontua zehaztutakoa:

| | | |
|---|-----------------------------|------------------|
| Birlandaketei loturik ez dauden itxiturak | | |
| Itxiturak kentzea | | 4.524,00 |
| Gibealeko pista | | |
| Zuloak egitea | | 26.422,00 |
| Zorua berdintzea | | 1.560,45 |
| Zamalanetarako tokia egitea | | 1.026,00 |
| Hodia, hargin-lanak barne | | 5.865,64 |
| Zorua | | 10.389,25 |
| Areka | | 830,88 |
| | Exekuzioa, guztira | 50.618,22 |
| Segurtasun eta osasun neurriak (%2) | | 1.012,36 |
| Gastu orokorra (%10) | | 5.061,82 |
| Industria irabaziak (%6) | | 3.037,09 |
| | Kontratako exekuzioa | 59.729,50 |
| BEZa (%21) | | 12.543,19 |
| AURREKONTUA, GUZTIRA | | 72.272,69 |
| Teknikarien lan-sariak | | |
| Proiektua: %5 (PBKren gainekoa) | | 2.986,47 |
| Obra zuzendaritza: %6 (PBKren gainekoa) | | 3.583,77 |
| | Lansarien zenbatekoa | 6.570,24 |
| BEZa, %10 | | 657,03 |

BOSGARRENA.- IRATIN ERREFORTZUKO LANGILEAK KONTRATATZEA: LANGILE BATEK AURKEZTUTAKO AUZIAREN ONDORIOZKO EGOERA. BIDEZKOA ERABAKIA

Jakinarazi da Iratiko langileek abuztu eta urria bitarteko (biak barne) egutegi-proposamen bat aurkeztu dutela, eta zerbitzua indartzeko pertsona bat kontratatzea eskatu ere.

Datorren uztailaren 27an, Agorreta jaunak Batzarre Nagusiari aurkeztutako kaleratzeagatik auzia dela eta, epaiketa izanen da. Auziak aurrera egiten badu, Batzarre Nagusiak bi aukera lituzke: Agorreta jauna berriro onartzea eta izapidetze-aldiko soldatak ordaintzea ala, berak ulertu duen moduan, kaleratzea halakotzat jotzea eta eskatutako zenbatekoa ordaintzea. Osoko Bilkurak uste du prozedurek aurrera egin behar dutela, eta Agorreta jaunak hartu beharko duela, kasuan kasu, egoki irizitako erabakia. Iratiko informazio eta zaintza zerbitzurako langileen kontratazioa arautzen duten oinarrietan ezarritakoaren arabera, hautaketara aurkeztu ziren pertsonen dei egiten jarraituko zaie, probetan lortutako puntuazio-hurrenkerari jarraituz, aurtengo aurrekontuan dagoeneko aurreikusten baita zerbitzurako errefortzu hori.

SEIGARRENA.- AEZKOAKO MENDIETAKO ENKLABEAK: BI ENKLABEREN JABETZA ALDATZEKO ESKAINTZA.

Beunza jaunak aurkeztutako idazkia irakurri da. Idazki horretan, Aezkoa Mendietan dauden lur-zatiak (horien datuak atxiki ditu) transmititzeko asmo duela jakinarazi dio Batzarre Nagusiari. Nafarroako Oihan Ondarea Babestu eta Garatzeari buruzko abenduaren 31ko 13/90 Foru Legearen 19. artikuluan ezarritakoaren arabera, toki-erakundeei dagokie lehentasunez erosteko eskubidearen ondoriozko lehentasunez erosteko eskubidea, beren udal-mugarrean dauden mendiak edo baso-lurrak kostu bidez eskualdatzen direnean, eta finka horiek Aezkoako Mendietako Baso Antolamendurako Planean sartuta ageri direnez, erakunde honi jakinarazten dio eskualdatzeko asmoa duela hogeita bost mila eurogatik.

Batzarre Nagusiaren Osoko Bilkurak gogorarazi du konpromisoa hartu duela Aezkoa Mendietako kokaguneak arian-arian eskuratzeko, eta Nafarroako toki erakundeen ondasunen erregelamendua onartzen duen urriaren 18ko 280/1990 Foru Dekretuaren 18. artikuluan xedatutakoaren arabera, ondasun higiezinaren kostu bidezko erosketa bat denez, bi finken alde aurreko balorazio teknikoaren enkargatzea erabaki da, ondoren dagokion erabakia hartzeko balioko duena.

Hartutako erabakia Beunza jaunari jakinaraziko zaio, dagozkion ondorioak izan ditzan.

ZAZPIGARRENA.- HAINBAT**- Emigrazioa Aezkoan**

Aezkoako Kultur Elkarteak Aezkoako emigrazioari buruzko ikerketa bat egiteko bultzatu duen ekimenari buruzko informazioa aurkeztu du. Ikerketa egin ahal izateko, inkestari buruzko fitxak eta informazioa banatzeko, artxiboetarako

sarbidea errazteko eta auzotarrak ekimen honetan parte hartzera animatzeko laguntza eskatu dute.

Batzordeak onartu du ikerketa hori babestea, eskatutakoaren arabera.

- Rak 2021-Akelarres

Aurizko Udalaren eskaera, Irabiako pistan hiru ibilgailu zirkulatzeko baimena eman dezan, irailaren 11n, Akelarres 2021 bidean parte hartzen duten txirrindulariei laguntzeko. 225. mugatik Irabiako urtegiko hormara ibilgailuak pasatzeko baimena eman du Osoko Bilkurak.

- Telefonía

Jakinarazi da Movistar-ekin telefonía kontratatu denetik arazoak daudela eta turismo-bulegoko linea ere gal daitekeela, portabilitatea gaiz egina dagoelako. Orange konpainiari eskatu zaió bulegoko linearako aurrekontua, bai zenbaki berri batekin, bai lehengo zenbakiarekin (berreskuratzea lortzen badute). Kostua 15,60 €-koa da hilean, gehi BEZa, eta bi egun baliodunetan jarriko da martxan, adostasuna ematen denetik. Osoko Bilkurak kontratatzea erabaki du.

- Aezkoako Kultur Ola

Jakinarazi da hutsik geratu dela berriz ere jauregiko eraikinaren beheko solairua egokitzeko obra, taberna-sukaldea egiteko. Memoria egin zuen arkitektoarekin hitz egitea planteatu da, prezioak aldatu behar diren eta aurrekontua handitu behar den ikusteko. Bestalde, Batzarre Nagusiaren ustez, obra hori aurreikusita zegoen bezala egin ezin bada, eraikina irekitzeko akordioaren bat hartu beharko da, gainerako zerbitzuekin ahal bezain laster, eta egun batzuk utzi beharko dira, soil-soilik auzotar guztiek erakusketen berri izan dezaten. Igogailuaren irteeran geratzen diren arotzeria-lan txikiak egitea eta dotazio guztiak berrikustea erabaki da.

- Bazka larreei buruzko hitzarmena sinatzea.

Jakinarazi da azkenean baztertu egin zela Bazka-larreen Hitzarmenaren sinatzea eta Bortuaren Eguna elkarrekin ospatzea, koronabirusaren kutsatzeak galarazteko emandako neurri bereziak direla-eta; ohiko sinatze-ekitaldia egitea aurreikusi da, eta, ondoren, Garaziko aterpearen ondoan bazkari bat egitea, osasun-egoeraren bilakaeraren eta hartzen diren neurrien arabera zehaztu beharreko gehieneko parte-hartzaile kopuruarekin.

Aurtengo hitzarmenean, azienda kopuru hauek aurreikusi dira, hasiera batez (azken fakturazioa baino lehen berrikusiko dira):

Garaziko azienda:

| | | | | | | |
|-------|------------|---|---------|---|------------------|---|
| 420 | Behi buru | X | 50,72 | € | 21.302,40 | € |
| 6.700 | Ardi burus | X | 6,34 | € | 42.478,00 | € |
| 1.170 | Bildots | X | 6,34 | € | 7.417,80 | € |
| 73 | Behor buru | X | 65,93 | € | 4.812,89 | € |
| | Moxal | X | 38,04 | € | | € |
| | | | Guztira | | <u>76.011,09</u> | € |

Aezkoako azienda:

| | | | | | | |
|-----|------------|---|---------|---|-----------------|---|
| 24 | Behi buru | X | 16,91 | € | 405,84 | € |
| 170 | Behor buru | X | 21,98 | € | 3.736,60 | € |
| | | | Guztira | | <u>4.142,44</u> | € |

- Urrobiko Partzuergoa

Jakinarazi da Partzuergoko Batzorde Exekutiboa deituta dagoela, karguak berritzeko eta, partzuergoen lege-araudira egokitzeko beharrezkoa den entitatea desegin behar denez, biltzarrari planteatzeko bidezko formula berria.

ZORTZIGARRENA.- GALDERAK ETA ESKEAK.

Ez dira egin.

Eta aztertzeko gai gehiagorik ez dagoenez, bilkura bukatutzat eman da goian adierazitako eguneko arratsaldeko lauak eta hogeita hamar minutuak zirela. Errandakoa jasotzeko akta hau luzatu da, eta nik, idazkariak, egiaztatzen dut.